



Broj: 10/E-11-3749/23
Sarajevo, 05-07-2023 . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Nabavka ruksaka i školskog pribora za učenike prvog razreda koji pohađaju osnovne škole na području Općine Centar Sarajevo (Zapisnik o pregledu i ocjeni ponuda broj: 10/E-11-3749/23 od 29.06.2023. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I. Prihvata se konačna ponuda prvorangiranog ponuđača „**DEFTER-KOMERC**“ d.o.o. **Sarajevo, ulica Azize Šaćirbegović bb, 71000 Sarajevo**, broj: 11-06/23 od 21.06.2023. godine, za nabavku ruksaka i školskog pribora za učenike prvog razreda koji pohađaju osnovne škole na području Općine Centar Sarajevo, putem konkurentskog zahtjeva za dostavu ponuda, sa umanjenom cijenom nakon provedene e-aukcije, u ukupnom iznosu od **23.950,00 KM bez PDV-a**, odnosno **28.021,50 KM sa PDV-om**.
- II. Ugovorni organ će sa izabranim ponuđačem zaključiti ugovor, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III. Ova Odluka se dostavlja ponuđaču koji je učestvovao u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- IV. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Образложење

Postupak za javnu nabavku: Nabavka ruksaka i školskog pribora za učenike prvog razreda koji pohađaju osnovne škole na području Općine Centar Sarajevo, pokrenut je Odlukom Općinskog načelnika o pokretanju postupka javne nabavke, broj: 10/E-11-3749/23 od 02.06.2023. godine putem konkurentskog zahtjeva za dostavu ponuda, uz primjenu e-aukcije.

Postupak javne nabavke nije podijeljen na lotove.

Obavještenje o nabavci broj: 848-7-1-90-3-110/23 objavljeno je dana 12.06.2023. godine na Portalu javnih nabavki, a Sažetak Obavještenje o nabavci objavljen je u „Službenom glasniku BiH“, broj 43/23 – Oglasnik javne nabavke.

Procijenjena vrijednost javne nabavke iznosi **49.620,00 KM bez PDV-a**.

U roku za predaju ponuda koji je određen tenderskom dokumentacijom (22.06.2023. godine do 12:00 sati), na adresu Ugovornog organa dostavljene su dvije (2) ponude ponuđača: 1. „DEFTER-KOMERC“ d.o.o. Sarajevo i 2. „GRAFOTISAK“ d.o.o. Grude.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena sveke ponude, kako sljede:

R/b	Ponudač	Ukupna cijena (KM) bez PDV-a	Popust	Ukupna cijena (KM) sa PDV-om
1.	„DEFTER-KOMERC“ d.o.o. Sarajevo	49.590,00	/	58.020,30
2.	„GRAFOTISAK“ d.o.o. Grude	48.384,00	/	56.609,28

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljene ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima. Uvidom je Komisija I ustanovila da dostavljene ponude ispunjavaju formalno-pravne, ekonomske i tehničke uslove, odnosno da ispunjavaju zahtjeve Ugovornog organa iz tenderske dokumentacije za predmetnu nabavku.

Nadalje, Komisija I je konstatovala da su ponude prihvatljive u smislu definicije prihvatljive ponude iz Zakona o javnim nabavkama, te da su ponuđači uz iste dostavili zahtijevane uzorke za stavke 1, 2, 3, 11 i 12. iz Obrasca za cijenu ponude – ROBE (Aneks 2.).

Detaljnom računskom provjerom ispravnosti ponuda navedenih ponuđača, Komisija I je utvrdila da su podnesene ponude računski ispravne te da je ispravno obračunata ukupna cijena ponude sa PDV-om kod oba ponuđača.

Tenderskom dokumentacijom je predviđeno provođenje e-aukcije.

E-aukcija je u predmetnom postupku provedena dana 26.06.2023. godine sa početkom u 10:00 sati. U periodu održavanja e-aukcije (od 10:00 do 11.00 sati), ponuđači su podnijeli ukupno 115 novih cijena, izmijenjenih naniže u odnosu na početne cijene primljenih ponuda. Sistem e-Nabavke je dostavio Izvještaj o toku i završetku e-aukcije, broj postupka 848-7-1-90/23, na osnovu kojeg je izvršeno rangiranje ponuda.

Rangiranje prihvatljivih konačnih ponuda na osnovu kriterija za izbor ponude „najniža cijena“, u skladu sa članom 64. stav (1), tačka b), i rezultata provedene e-aukcije:

Rang	Ponudač	Ukupna cijena ponude (KM) bez PDV-a
1.	„DEFTER-KOMERC“ d.o.o. Sarajevo	23.950,00
2.	„GRAFOTISAK“ d.o.o. Grude	24.000,00

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU KONAČNE PONUDE

Prvorangiranog ponuđača „DEFTER-KOMERC“ d.o.o. Sarajevo, ulica Azize Šaćirbegović bb, 71000 Sarajevo, broj: 11-06/23 od 21.06.2023. godine, za nabavku ruksaka i školskog pribora za učenike prvog razreda koji pohađaju osnovne škole na području Općine Centar Sarajevo, putem konkurentskog zahtjeva za dostavu ponuda, sa umanjenom cijenom nakon provedene e-aukcije u ukupnom iznosu **23.950,00 KM bez PDV-a** odnosno **28.021,50 KM sa PDV-om**

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. stav (5) tačka c) Zakona o javnim nabavkama.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda
broj: 10/E-11-3749/23 od 29.06.2023. godine

DOSTAVITI:

1. Ponuđaču: „DEFTER-KOMERC“ d.o.o. Sarajevo,
ul. Azize Šaćirbegović bb, 71000 Sarajevo
2. Ponuđaču: „GRAFOTISAK“ d.o.o. Grude,
ul. Blage Zadre broj 26, 88340 Grude
3. Službi za obrazovanje, društvene djelatnosti, kulturu i sport
4. Kabinetu općinskog načelnika – Odsjek za javne nabavke
5. Službi za finansije
6. Arhivi

